

Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina  
**CANTON SARAJEVO**  
**Cantonal Administration for Inspection Issues**

**Broj:** 14-02-04-01403-1/20  
**Sarajevo,** Maj 14. 2020. godine

**SKUPŠTINA KANTONA SARAJEVO**  
*(Na pažnju, predsjedavajućeg, Mirze Čelika)*

**PREDMET:** *Odgovor na zastupničko pitanje broj: 01-04-10308-44/20 od 23.04.2020. godine postavljeno od strane zastupnice Neire Dizdarević, dostavlja se;*

Kantonalna uprava za inspekcijske poslove Kantona Sarajevo, dana 30.04.2020. godine, zaprimila je zastupničko pitanje postavljeno od strane zastupnice Neire Dizdarević, na 24. Radnoj sjednici Skupštine Kantona Sarajevo, održanoj dana 23.04.2020. godine koje glasi

" U odgovoru broj 14-02-04-01403/20 od 26.03.2020. godine, na dio mog pitanja, koji se odnosi na informaciju gdje su završili neusklađeni proizvodi, navodite da su subjekti nadzora povukli proizvode sa tržišta i poduzeli korektivne mjere u pogledu uništenja preostalih količina, ali ne navodite način kako, kada i gdje su izvršena uništenja preostalih količina.

Budući da Kanton Sarajevo ima problem sa nezakonitim odlaganjem animalnog otpada koji protuzakonito završava na deponiji Smiljevići , čiji rad zbog takvih propusta utiče na zdravlje ljudi u njenoj blizini, molim detaljno da mi se saopšti informacija kada, gdje i kako su povučeni proizvodi završili, odnosno prema navodima u aktu uništeni. "



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

## ODGOVOR

Veterinarski inspektori Kantonalne uprave za inspekcijske poslove Kantona Sarajevo s ciljem provjere tržišnog kvaliteta i navoda na deklaracijama usitnjenog mljevenog i oblikovanog mesa (ćevapi, pljeskavice i sl.) su u fazi proizvodnje, prerade i prometa kontrolisali 31 subjekat koji proizvode i stavljanju na tržište ove proizvode.

Kako je navedeno i u prethodnom odgovoru, kontrolom su obuhvaćeni proizvodi sa domaćeg, kao i inostranog tržišta, koji se na tržište BiH stavljaју posredstvom uvoznika i distributera.

U vrijeme dobivanja laboratorijskih izvještaja, na tržištu su preostale samo manje količine mesnih pripravaka u smrznutom stanju, porijeklom iz drugih kantona, kao i RS-a, te s tim u vezi niti uništenje, odnosno zbrinjavanje neusklađenih proizvoda u konkretnom slučaju nije (iz)vršeno odlaganjem na gradsku deponiju Smiljevići u Sarajevu.

Povrat i zbrinjavanje, uništenje preostalih količina proizvoda kod kojih su utvrđene neusklađenosti u pogledu kvaliteta, odnosno odstupanja u sadržaju masti, proteina i vezivnog tkiva izvršen je prema mjestima, odnosno objektima porijekla gdje je pod nadzorom mjesno nadležnih ovlaštenih i službenih veterinarā (iz)vršen postupak zbrinjavanja neusklađenih proizvoda, što je dokumentovano u postupku inspekcijskog nadzora koji je provodila veterinarska inspekcija Kantona Sarajevo.

Na poziv postupajućih inspektora, svi kontrolisani subjekti, proizvođači u toku mjeseca februara 2020. godine, su se odazvali pozivu inspektora i pristupili u u prostorije Uprave, pri čemu je utvrđeno da su neusklađeni proizvodi sa aspekta kvaliteta zbrinuti na dva načina, u skladu sa Odlukom o nusproizvodima životinjskog porijekla.

Naime, određeni broj subjekata svoje neusklađene proizvode po odobrenju nadležnih veterinarskih službi je zbrinuo prenamjenom, u hranu za životinje (za ishranu pasa u skloništima i uzgajalištima), dok je dio njih s obzirom na nedostatnost drugih rješenja, odložen zakopavanjem.

Inspekcijskim postupkom veterinarske inspekcije Kantonalne uprava za inspekcijske poslove je potvrđeno da su van prometa i upotrebe iz maloprodajnih objekata na području Kantona Sarajevo, neusklađeni proizvodi stavljeni odmah po obavještenju o nezadovoljavajućim rezultatima ispitivanja i vraćeni u objekte proizvodnje, koji su pod nadzorom mjesno nadležnih veterinarā proveli dalji postupak zbrinjavanja i/ili uništenja neusklađenih mesnih pripravaka. Cijelokupan postupak okončan je krajem mjeseca februara 2020.godine.

Kako se u dopunskom pitanju navodi nezakonitost odlaganja životinjskog otpada na gradskoj deponiji Smiljevići u Sarajevu, koristimo ovu priliku da napomenemo da u krugu iste, postoje odgovarajuće jame grobnice izrađene od nepropusnog materijala, betona, koje se u sličnim situacijama koriste za neškodljivo uništavanje neispravnih proizvoda životinjskog porijekla, kao i lešina životinja u postupku suzbijanja zaraznih bolesti.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Predmetne jame grobnice su jedino zakonito protivepidemijsko i epizootiološko rješenje kada govorimo o materijalima životinjskog porijekla, putem kojih se može prenijeti zarazna bolest. Treba napomenuti i da su kapaciteti predmetnih jama u upotrebi pri kraju, te da uskoro iste neće biti na raspolaganju za odgovarajuće zbrinjavanje, odnosno neškodljivo uništavanje.

Napominjemo da je jedna od jama trenutno potpuno prazna, ali nije u upotrebi iz razloga nedostatnosti projektne dokumentacije na osnovu koje je 2007. godine izgrađena od Zavoda za izgradnju Kantona Sarajevo sredstvima izdvojenim od Ministarstva prostornog uređenja, građenja i zaštite okoliša Kantona Sarajevo. Eventualno stavljanje u funkciju ove jame uveliko bi riješilo problem koji je prisutan u Kantonu Sarajevo, a koji navodi i zastupnica u postavljenom zastupničkom pitanju.

S poštovanjem,

Dostavlja se:

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a



DIREKTOR

Fahri Halilović



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb